

Félag aðstandenda geðsjúkra stofnað

Eru lítillækkaðir og auðmýktir

Aðstandendur og velunnarar geðsjúkra hafa stofnað með sér félag sem þeir nefna Geðhjálpar. Í félaginu eru um hundrað manns og er tilgangur þess fyrst og fremst að bæta aðstöðu geðsjúkra í hvívetna og fræða þá sem heilbrigðir eru um geðsjúkdóma.

Formaður Geðhjálpar er Sigríður Þorsteinsdóttir og varaformaður Margrét Hlín Sveinsdóttir. Aðrir í stjórn eru Guðbjörg Björnsdóttir,

Birna Bragadóttir, Andrea Þórðardóttir, Jóhanna Þráinsdóttir og Elias Kristjánsson.

Í ræðu sem Andrea Þórðardóttir hélt á stofnfundi félagsins sagði hún m.a. að ættingjar geðsjúkra kæmu oft að lokuðum dyrum þegar þeir ætluðu að leita sér hjálpar og væru niðurlægðir og auðmýktir í þokkabót. Þessu vilja félagar í Geðhjálpar bæta úr og hafa því komið

á fót fræðsluhópum og öðrum starfshópum til hjálpar.

Til að byrja með verður félagið með opið hús einu sinni í viku á Geðdeild Landspítalans. Einnig er áætlað að flytja fræðslufyrirlestra og mun Tómas Helgason yfirlæknir ríða á vaðið.

Geðhjálpar áætla að hafa samstarf við félagið Geðvernd sem starfar einnig að aðstoð við geðsjúka.

-DS

http://timarit.is/view_page_init.jsp?issId=228152&pageId=3089192&lang=is&q=Ge%F0hj%E1lp